

玉山紀遊



玉山紀遊



提要

謹案玉山紀遊一卷元顧瑛紀遊倡和之作明袁華為類次成帙者也所遊自崑山以外如天平山靈巖山虎邱西湖吳江錫山上方山觀山音或有在數百里外者總題曰玉山游非一人而瑛為之主游非一地而往來聚會悉歸玉山堂也每遊必有詩每詩必有小

提要

玉山紀遊

序以志歲月所與遊者自華以外為會稽楊維禎遂昌鄭元祐吳興鄭韶沈明遠南康于立天台陳基淮南張屋嘉典瞿智吳中周砥釋良琦崑山陸仁皆一時風雅勝流又有顧佐馮郁王濡之三人里貫事迹皆未詳然以儕偶推之定非俗士矣所收不及玉山名勝集草堂雅集之富而山水清音琴樽佳興一時文采風流千載下尚如將見之也華已入

明然其詩皆作於至正中  
中華編是集之時亦  
尚在至正中故不以編集之人為斷而以作  
詩之人為斷仍列諸元代焉

玉山紀遊

提要

玉山紀遊



元 袁華 編



遊崑山聯句

并序

至正八年春二月十日九日崑山顧君仲瑛以書來招致余明抵顧君所又明日命石華舫又集賓客自余而次凡六人朝發自界溪出津義浦過九里菴轉金溪泊午舟駟馬橋下換輿騎

玉山紀遊

入會聚寺寺主僧然叟出肅客上人運殿見石甃壁其工天成然云此嚮禪師闔山時鬼所運也遂登玉山山首印脊凹狀類馬鞍故俗名馬鞍其印之石幢聳立與雙峯若相角者又號文筆云東見滄海漶漶無岸水與天相涵樹中見孤嶼隱起蒼蒼然然云此虞山也泰伯之弟虞仲所居故名矣而大風連石聲如大波濤衣帽掀舞瘁然不可立然頷客憩翠微閣呼山丁作

茗供觀嚮師虎化石下山讀唐孟郊張祐宋玉  
安石詩于東石壁然合掌作禮云地由玉峯勝  
玉峯又由人而勝自孟張王詩後絕響久矣願  
吾子有繼焉余諾之西廡僧應又招憩來青閣  
盛出佳楮墨求詩余遂書玉峯詩云大風連落  
日人立玉峯頭禪將風虎伏鬼運石羊愁地平  
山北顧天斷海東風颺車在何處我欲過瀛洲  
詩客各和詩又復聯句用江字窄韻推余首唱

玉山紀遊

二

諸客以次分韻余又疊尾成若干句畢顧君韻  
錄詩請序且將刻之石壁左方昔王逸少登烏  
山顧諸客語曰百年後安知王逸少與諸卿至  
此乎吁此羊叔氏峴山之感也今吾五六人俯  
仰之余倘無紀述百年後又安知玉峯之遊有  
吾五六人也遂叙客乃京兆姚文奐淮海張渥  
吳興鄭韶匡廬于立崑山顧仲瑛會稽楊維禎  
也

二月廿二日樓舡下姜江破浪擊長艣維驚飈簸高杠

海峯搖古色文石樹鳴悲腔躡磴屐齒齒渥登堂鼓逢

逢地險立孤柱韶天垂開八窗烏升海光浴立鳶騫風

力降番賦夾閩估瑛越謠雜吳咙仙樵椎結萃文古佛

凹眉厖婆立噴獅鼎維琉璃照龍缸層軒坐疊浪韶落

筆飛流淙愛此韞玉石立豈曰取火砭文脉貫琬琰瑛

密韻含甕缸驅羊欲成萬維種壁得無雙多今文章伯

渥萃此禮義邦龍駒幸識陸文鳳鄒亦知龐翠屏卓文

### 玉山紀遊

石瑛齒衲折鼻幢敏思抽連繭雄心闔孤鏃句神躍冶

劍才捷下水艘磬聲重寡和鼎力輕羣扛昆渠詩已就

誰誚隴頭瀧維

### 遊天平山

天池去天平一舍而近山田高下之間山多立

石池之上巨石森立如人如柱如旌幢大抵環

池皆石也池廣方可三畝餘紺碧澄瑩轆夫擊

石皆清響投石池水謂極深田老謂宋有國時

朱祕監嘗構亭池傍亦吳中一奇觀也今則皆  
為稻田矣至正庚寅八月二十有二日吳僧良  
琦元璞邀玉山顧仲瑛遊天平其同遊者鄱陽  
蕭元吳泰興鄭九成匡廬于彥成遂昌鄭元祐  
所至各賦詩而元祐先賦天池詩云

天池

鄭元祐

立石如林不待鞭驅臨池水看青天  
潛靈物役無地下  
旁溉山蹊作有年刺水蒲苗霜後在  
舞風珠樹月中懸

玉山紀遊

四

太湖萬頃應凡濁閱此澄清一勺泉

又

顧瑛

縈紆白雲路窈窕青山聯秋風吹客衣  
逸興良翩翩捫  
蘿度絕壁躡磴窮層巔厓傾石欲落  
樹斷雲復連兩峯  
齟牙開中谷何廓然大山吃堂堂直  
欲摩青天小山亦  
磊落飛來墮其前陰陰積古鐵粲粲  
開青蓮神斧削翠  
骨天沼涵靈泉玉龍抱寒鏡倒影清  
秋懸憶昔張貞居  
寄我琳琅篇遊者不可作新詩徒為  
傳舉酒酌白日萬

壑生淒烟幽歡若未足落景忽已遷美人胡不來山水  
空清妍

又

釋良琦

蓮花峯頂一池開仙源直從天上來水光百尺涵坤軸  
石骨千年化劫灰靈物有時移窟宅神龍當晝挾風雷  
便須躡屩頻登眺日日臨流坐石苔

又

郊韶

青山盤百折陰磴落秋風石壁何年鑿天池一水通  
蜿

五

玉山紀遊

蛭潛厚地星斗下遙空亦欲蘇民亢鞭雲出雨工

龍門

鄭元祐

龍門岸寧倚天開點額神魚幾度來雲起風中成五色  
星從罅裏見三台更無鏡檻啣山鬼可有金鋪上石苔  
李范黨同勲業異御車千古意悠哉

又

顧瑛

手攀蘿磴躡雲根石鏡懸秋上可捫一勺清泉如沆瀣  
御風白日過龍門



又

何年玉斧斫靈螯虎豹臨關鬼夜號雲拔兩崖來峽雨  
風迴雙廕吼松濤已無鐵鏈封神閔猶有金梯插漢高  
我欲臨風騎赤鯁手招龍伯奏雲璈

于立

又

龍門陟天險竦束兩崖傾陰壑奔霆折洪濤殷地生谷  
盤縈鳥道虎跡斷人行水積天池水江搖石鏡平槎流  
南斗近日落五日明好挽銀潢水清秋為濯纓

鄭韶

玉山紀遊

寒泉盤松

于立

侵晨出龍門翠竹雙肩輿雲磴險犖确石徑盤縈紆湯  
山萬松樹翠氣涵碧虛楂枒抱石古夭矯凌烟孤頽然  
衆長身一如秦大夫就中偃蹇者獨有支離疏脩枝傍  
壑走百折半欲枯俯身實偃倮昂首仍遽篠呀然怒獸  
攫忽若羣龍趨輪囷水犀甲奮迅蒼龍鬚不為世所用  
適與靜者娛嗟予獲落入比爾良不如何時能復來便  
結山中廬蒼涼白日暮欲去仍躊躇

又

寒山箇萬長松樹忽見支離隱者形根到重陰應百折  
夢回空谷已千齡風來老鶴巢應穩雷起潛龍蟄未醒  
我欲曲肱聽流水細看晴雪洒空青

顧瑛

又

青松百折如車蓋歲宴空岡卧白雲擁腫自全丘壑志  
支離不待世人聞春雷未起龍蛇蟄霧雨猶含虎豹文  
長遣山靈為呵護底須太華比封君

郊韶

玉山紀遊

七

至正十年秋八月聞玉山隱君偕蕭元泰鄭明德  
于彥成郊九成良琦元璞遊天平時余留笠澤不  
得與此遊乃賦詩一首以寄

陳基

玉山仙人溪上來千樹芙蓉錦繡開每愛于郎偏好道  
更憐郊掾最多才題詩有約龍門去載酒應從鄭谷回  
好事相傳作圖畫也須著我坐莓苔

次韻

顧瑛

江上清秋八月來江清照見芙蓉開遠公留客可無酒

于鵠題詩最有才不教騎馬雲臺去更待扁舟剡曲回  
谷口子真能健步天池濯足坐蒼苔

次韻

郊 韶

草閣花飛久不來故人忽見好懷開山中舊說盧鴻隱  
鄴下新傳子建才空憶題九詩秋後只今載雪幾時回  
行厨春酒甜於蜜日日思君坐石苔

與客遊靈巖山中雜詠

并序

于 立

至正庚寅八月廿二日余與顧君仲瑛訪龍門

玉山紀遊

八

良琦元璞於天平翌日蕭君元泰鄭君明德郊  
君九成復至三君分歧往觀天池余獨與仲瑛  
登靈巖因得山中雜詠書之左方以紀歲月云  
匡廬山人于立書

涵空閣

半空宮殿倚崔嵬玉錦芙蓉紫翠開好似鑑湖三萬頃  
青山繚繞越王臺

響屨廊

山中老禪寂同坐說吳王時有風前葉鏘然下屨廊

八角井

吳王臺下井侵影浸秋月如見苧蘿魂恐是胭脂血

洗研池

墨香涵潤氣風動碧漣開顧影不敢唾君王洗研來

琴臺

快覽層臺上蒼崖倚半空誰將山水意日日寫松風

西施洞

玉山紀遊

國破青山在鷓夷去不回當時宮裏月時到洞前來

予與匡廬山人登涵空閣眺遠寺僧某者延坐  
具茗少頃行者攜酒肴登閣款留談詩而匡廬  
山人雜詠既成僧復舉酒屬余曰今日之遊匡  
廬與公耳公無詩後之遊茲山者豈知公嘗至  
此耶予乃隨口成詩用書于右然頗自知形穢  
也

涵空閣

顧瑛

高閣凌空壓翠寒望中秋色上闌干太湖極目青山小  
只作吳王一沼看

響屨廊

日日深宮醉不醒美人嬌步踏花行屬餽賜與忠臣後  
葉落君王夢亦驚

八角井

山頭八角井照影十分圓故國嬋娟盡何人拾翠鈿

洗硯池

玉山紀遊  
畫洗金壺墨波生翠縠紋東風連亘起吹散一池雲

琴臺

日落吳王避暑歸西施扶醉下天梯多情只有琴臺月  
曾照棲烏夜夜啼

西施洞

陰洞閔白日寒雲護石門空餘葶蘿夢亘亘泣花魂

遊虎丘雜詠序并

顧瑛

至正十一年春正月七日余與吳興鄭九成龍

門良竒元璞匡廬成惟允泛舟過虎丘時積雪  
彌旬旭日始出迺登小吳軒馮高眺遠儼然白  
銀宮闕在三山玉樹間興不可已遂留宿賢上  
人松雨軒數日由是得歷覽山中清勝迺賦小  
詩十首以紀斯遊陳匡廬且能一一寫圖求諸  
作者題識余先書詩云

千頃雲

觸石起膚寸悠然散千頃我來坐東軒妙趣心已領

玉山紀遊

十一

小吳軒

雪沒羣山盡天垂落日懸憑虛俯城郭隱見一絲烟

劍池

地拆重淵積人亡寶劍藏千年斷厓月何處照龍光

試劍石

劍試一痕秋崖傾水斷流如何百年後不斬趙高頭

五臺山

海湧如來室清涼即五臺春風山頂雪飛度雁門來

生公臺

生公聚白石塵拂天花墜可憐塵中人不解點頭意

塔影

塔倚高標立樓一深竅虛海風吹幻影顛倒落方諸

致爽閣

高閣對西山飛風落几間開襟致秋爽心與白雲閒

真娘墓

何處真娘墓雲霧斷石根夜深風雨急誰喚海棠魂

玉山紀遊

十二

陸羽井

雪霽春泉碧苔侵石甃青如何陸鴻漸不入品茶經

翌日雪霽仲瑛偕予與陳惟允坐劍池上池水煎

茶清興不已惟允取筆寫劍池景吳興郊韶題詩

云

殘雪落林度西嶺陰澗寒泉凝素練兩僧倚樹聽微鐘  
一鶴臨流照清影松間旭日映山椒向雲英英如雨飄  
何當為置王摩詰更添一樹紅芭蕉

次韻

顧瑛

飲澗長虹挂深嶺千尺轆轤懸斷綆  
夜寒月黑鬼賦詩  
日白風清人寫影  
藤蘿陰陰暮山樹  
長松落雪如花飄  
煩君畫我掩書卧  
窗前更著青芭蕉

遊西湖分韻賦詩

并序

至正辛卯夏五月余與顧君仲瑛留錢塘廿有  
八日仲瑛具牲酒要會稽楊廉夫臨夫菖元哲  
諸公致祭于故張貞居外史墓下越明日泛舟

玉山紀遊

三

湖上置酒張樂以娛山水之勝高荷古柳水風  
鬱如於是主賓樂甚水數行仲瑛以山色空濛  
雨亦奇分韻賦詩以紀斯集吁自伐木詩廢交  
道久缺而况於今時哉仲瑛之於朋友死生交  
情能盡其義可謂善與人交者也仲瑛得山字  
顧佐得色字馮郁得空字張渥得濛字良琦得  
雨字袁華得奇字詩成命良琦為之引云  
仲瑛得山字



六橋五月全無暑多少樓臺罨畫間雨過東坡堤上樹  
水搖西子鏡中山綵舟載酒花為屋素袖臨風玉作環  
取醉不辭歸去晚更須一到裏湖灣

顧佐得色字

泛舟西湖上清遊盡長日朝來疎雨過西子翠欲滴窈  
窕素雲娘醉舞姣無力瑤觴度纖手清歌倚瑤瑟人生  
能幾何胡為勞苦役共此一尊酒悠然對山色興盡不  
知歸月明藕花碧

玉山紀遊

馮郁得空字詩不成罰酒一觥

張渥字得濛字

白鷗波冷水精宮畫舫清遊入鏡中吹浪小魚工趁雨  
出巢新燕巧迎風驚神佳句應難和罰客杯深不放空  
好共紅妝泛明月荷花香霧晚濛濛

良琦得雨字

五月西湖湖上路雲薄天開霽初雨綠陰十里映朱橋  
紅白荷花照清渚故人客裏忽相見呼舫載酒携詩侶

銀箏調促金粟柱玉壺光動清絲縷開蘆水面度飛燕  
高歌柁尾輕鷗舉一時雅思劇幽事半日閒情謝塵土  
東南佳麗地空存前代衣冠在何許黃金買醉日紛紛  
感古興懷有誰語人生行樂戒朝暮落日涼風吹白苧  
他年有約與重來湖外青山可為主

袁華得奇字

連朝風雨不出戶今朝雨晴山色奇湧金門頭買畫舫  
拂曉逕度湖之湄張君學道靈石礪藏書痊劍荒山陰

玉山紀遊

圭

丹成馭氣上天去長松落日風颼颼玉山草堂素有期  
死生契濶良可悲買羊沽酒酌墓下俯仰千思令人思  
君不見附子罔頭丞相墓祇今惟有草離離

是日湖中口占

柳岸輕風度晚晴畫船置酒載娉婷生憎幾陣黃梅雨  
滴在西湖不忍聽

右值雨

湖山堂上看荷花亂舞紅妝萬髻了細雨霑衣涼似沫

畫舫五月客思家

右湖山堂  
觀荷花

薄薄紅綃映雪膚玉纖時把鬢鬟梳風流得似貞期子

添箇芭蕉畫作圖

右題叔厚插  
素雲小像

十九韋娘看絳紗金杯玉手載春霞清歌未了船頭去

笑買新妝茉莉花

右戲贈  
杜姬

次韻

袁華

三素雲開未是晴千金不惜買娉婷玉笙縹緲青鸞背  
却向昆丘月下聽

乳燕初飛藕作花秋娘二八髻雙了臂講紅露珍珠絡

玉山紀遊

共

疑是錢唐舊內家

雪白中單紅玉膚髻鬟雲妥推犀梳荒淫自惜能亡國

誰寫幽風七月圖

細雨微風透碧紗酒痕撲面上朝霞君行不唱陽關曲  
聽取尊前陌上花

次韻

張渥

清曉移舟及鬢晴水花明媚照娉婷銀箏玉柱纖纖手  
翻得新聲醉裏聽

水光承雨亂銀花  
柳外雙峯出翠了  
我欲便寄蒼笠去  
斷橋灣裏是漁家

淺絳紗籠白玉膚  
鬢雲雙髻映犀梳  
尊前自有丹青手  
描取崔徽入畫圖

舞衫歌袖卷紅紗  
一朵春雲帶晚霞  
盡日無人見纖手  
小屏斜倚笑簪花

次韻

良琦

踈雨澹雲陰復晴  
荷花紅白自娉婷  
晚風忽引樓船過  
玉山紀遊

十七

一曲瑤笙隔水聽

鯉魚吹浪細生花  
船裏青山雙髻了  
多少黃金買歌舞  
秋風白髮不思家

風流公子岸烏紗  
醉立船頭看晚霞  
重約明朝遊佛國  
杪櫂陰裏拾天花

湖西日落散明綺  
湖上月生如玉梳  
行樂何如歸白社  
君看三笑寫成圖

聞玉山留杭數日即返棹不及一見賦詩以寄

于立

聞住西湖十日還冷泉亭下好潺湲錢唐東去直到海  
於越南來總是山惟逐断猿明月夜興隨孤鳥白雲閒  
玉山池館花無數應待幽人一破顏

玉山如杭有懷奉寄兼簡楊廉夫 陳基

柳洲寺下絲竹繁蘓小墓邊風日暄天開十里水如鏡  
雨過六橋花欲言畫船夜聽孤山鶴鐵笛曉驚西竺猿  
歸來相遇桃源上為唱竹枝傾綠尊

玉山紀遊

過吳江紀行序并

顧瑛

至正十年十二月十九日吳興鄭九成自平江  
載雪過予玉山中時積雪始晴水木澄霽桐花  
道人吳國良者携洞簫自陽羨來乃相留雪巢  
數日日與匡廬山人于彥成聽簫酌酒而國良  
先別二十八日忽以他故于山人適有越行予  
亦有泛舫之興雪夜至楓橋已四鼓矣十一年  
正月一日于山人買舟發吳下初三日予始過

寶帶橋初四日泊垂虹橋癡雨泥寒蓬窗獨坐  
靜思世情真墮幻境更欲如雪巢之清會不可  
得也聊賦十二韻以紀此行始末以留他日之  
觀匡山再來則吾已在婁上矣詩成就簡郟九  
成陳敬初瞿惠夫云玉山顧瑛書于舟中

孤舟解纜短長橋盡日淒風挾雨飄正好玉山同看雪  
不如春水暗生潮探梅爭忍和花摘煮豆應憐帶葉燒  
交重陳雷傾意氣黨同李范愈孤標竹林有負山公約  
玉山紀遊

十九

蓮社來從惠遠邀客裏風光正月到夢中歸路一身遙  
雲臺西望猶堪仰剡水東流不可招謾道世情能反覆  
莫教人事轉蕭條題門問字元非鳳傾座行觴不厭鴉  
無賴情懷詩可慰不平胸臆酒頻澆盤空獨鶴翩翩去  
逐浪輕鷗箇箇漂却憶畫堂燒燭夜玉人相對聽吹簫  
用韻上呈玉山徵君國衡茂異并吳下諸舊識

于立

正月一日離吳下八尺蒲帆兩外飄千里亂雲連越甸

萬山殘雪漲春潮獨憐歸興濃於酒頗覺離懷熱似燒  
癡絕虎頭多感慨清新驥子好風標城中耆舊那能得  
婁下才華不易邀隴月娟娟隨地遠斷雲脉脉去人遙  
故交相見頭皆白鷗鳥忘機手可招蘭發野香繁紫茁  
柳吹晴色上青條千金市骨誰求駿六博當場貴得鴟  
好把平生心獨省莫因時事俗同澆滿川烟草和天遠  
三月風光逐水漂料想此時能跨鶴碧桃多處聽鸞箭  
予讀玉山所寄詩不能無感遂以允書于雲巖之

玉山紀遊

二十

松雨軒明日與良貴來觀琦上人和章也

郊韶

驅車送子上河橋歲宴長途朔雪飄作客正須愁旅雁  
挂帆猶擬待春潮空江坐聽寒城漏深夜誰將檠燭燒  
總謂嗣宗多曠達亦知元度最風標閉門只謾拋書坐  
跌馬頻頻折簡邀雷澤影連孤嶼沒洞庭青入五湖遙  
卜居好近東西瀆作賦休工大小招歸日苑華飛別渚  
去時江柳折柔條華亭舊事空聞鶴賈傅當年亦厭鴉

千首新詩聊自寫百壺濁酒為誰澆樽材已比溝中斷  
萍跡長憐水上漂極目淮南千里月思君何處聽吹簫  
伏讀垂虹橋泊舟倡和七言十二韻玉山得其情  
雲臺得其辭虛齋得其氣凡人情世故之發於言  
者皆有古風人之遺韻焉予不佞輒亦屬而和之  
非敢以方駕諸子也君聊以為玉山賓主異日一  
笑耳

陳基

何年伐石駕危橋鯨浪翻江白雨飄勢控三吳虹見影  
玉山紀遊

三

氣吞七澤水通潮重淵有怪犀難照蔓草無名火不燒  
伯國黃金聞鑄象玉門白玉想為標功成海上身先退  
繪熟江東興可邀歲月幾何流水遊山川如舊古人遙  
鴻飛矧繳何由篡鶴去樊籠不可招浩蕩扁舟歸鑑曲  
寂寥方丈似中條越人尚以雞為卜楚俗相傳服類鴉  
自把文章論倚伏敢將交態較淳澆五湖烟景隨時異  
萬里風萍觸處漂却憶春暉樓上去為君裁取玉為箭

次韻玉山隱君懷匡廬先生

瞿智



江頭新綠漲平橋  
江上行人思欲飄  
弱柳枝枝生霧雨  
小桃艷艷上春潮  
彩舟南浦和愁別  
絳燭西園待夜燒  
豐屋珊瑚相照耀  
雪巢珠玉闔清標  
阮瞻不倦彈琴約  
支遁何煩折簡邀  
城闕烟華迷爛漫  
池臺景物憶迢遙  
荷鋤谷口聊為隱  
援桂淮南每見招  
曉日暉暉初散靄  
暖風細細不鳴條  
學仙豈似忘歸鶴  
嗜炙頻思入饌鴉  
翠竹碧梧應爾賦  
霞觴雲夜與誰澆  
空憐鴻雁騫翔遠  
漫喜鳧鷖散亂漂  
重儼歸來償醉飲  
玉山佳處和鸞箭

玉山紀遊

泊垂虹橋序

顧瑛

初六日舟渡吳江  
飛雪揚揚大風吹  
船如箭遙望洞庭  
諸山隱隱在白浪  
間相與掀舞舟人  
鼓柁條忽數十里  
白鷗驚飛水雲無  
著使人清思颯然  
口占三絕以寫所  
見云

三江之水太湖東  
浪激輕舟疾若風  
白鳥羣飛烟樹末  
青山都在雪花中  
垂虹橋下新生水  
白龍廟前雪未晴  
大風挾帆過江去

驚得沙鷗嘎嘎鳴

江風吹颿倏數里  
野花笑人應獨行  
更須對雪開金鱗  
要聽隣船擗玉箏

次韻

郊韶

洞庭之西湖水東客行三日上江風行行塞雁青天外  
箇箇輕鷗白浪中

江上日日客愁生  
今朝春雪始放晴  
舟人挾拖看山影  
驚起中流鶯觀鳴

玉山紀遊

三

鷓鴣鷓鴣總多情  
蕩漾春江取次行  
日日沙頭候歸雁  
為郎彈得小秦箏

次韻

陳基

旭日初生積水東  
白頭波起鯉魚風  
洞庭西望平如掌  
七十二峯圖畫中

無限客愁繞亂生  
春寒強半雨初晴  
烟波萬頃深無底  
彷彿鮫人織杼鳴

誰是岑參兄弟情  
好奇長足漢陂行  
如今翻動江湖興

月滿樓船聽按箏

遊錫山紀行序

至正辛卯八月二十有四日余避冗往遊錫山  
謁倪徵君時徵君留毗陵遂與客登惠山麓適  
蒙泉鄭高士將過金陵邂逅泉上飲茗贈詩而  
別凡三宿回復纜舟閶門外凡得紀行詩若干  
首錄似諸詩友因賡唱迭和遂成卷軸今次叙  
之以識歲月異日開卷撫事則今日山水之適

玉山紀遊

朋友之勝如在眉目間不能不為之興感也顧  
瑛書

發齊門

顧瑛

東方晨星如明月舟人捩柁聽雞鳴自憐不合輕為客  
莫雁秋風攬樹聲

次韻

周砥

西風洲上荻花明秋水船頭落雁鳴誰把琵琶涼月裏  
為君禪作斷腸聲

泊閶門

顧瑛

楓葉蘆花暗畫船  
銀箏彈絕十三弦  
西風只在寒山寺  
長送鐘聲攬客眠

次韻

于立

淥水秋風蕩漿船  
白蘋洲上月初弦  
清光半入紅牕裏  
照見羈人夜不眠

發閶門

顧瑛

閶門西去是陽關  
疊疊秋風疊疊山  
便是早春相別處

玉山紀遊

五

如今楊柳不堪攀  
今春于此送  
于外史歸越

次韻

陳基

擊折何人夜抱關  
大星未落月銜山  
離愁不似官河水  
日日東流不可攀

許墅道中

顧瑛

西出閶門第一程  
山青水秀不勝情  
閶河渺渺音塵隔  
風雨蕭蕭官馬鳴  
海上已聞天子詔  
軍中誰說亞夫名  
秋光寂寞秋江冷  
祇為愁多白髮生  
是日風雨中達寔  
司農馬上過此往

上海

次韻

周砥

早發姑蘇不計程道聞王事不關情  
秋風海上鯨鯢息落日沙頭鶩觀鳴  
礧水照人如有意山僧見面不知名  
歸來縱飲蓬牕底醉寫新詩寄友生

次韻

陳基

官壚美酒勝烏程飲別吳門無限情  
數曲權歌何處發一雙沙鳥背人鳴  
不從范氏論成敗且學陶朱變姓名  
玉山紀遊

王

為問長關閣下吏如今誰是棄繻生

次韻

鄭韶

駟鐵駢駢向驛程遠傳優詔憫民情  
關河落木雁初至風雨渡江雞亂鳴  
季札衣冠空有像梁鴻井臼尚遺名  
黃花滿地秋堪把一夜思君白髮生

次韻

于立

曉風揚舫無十程題詩寄人多遠情  
清秋葉落鴻雁至陰洞水涸鼃鼃鳴  
蘭陵溪山我所愛淮南草木誰知名

登高作賦多感慨莫笑狂生太瘦生

次韻

釋良琦

閩闔門西烟水程客行此日倍多情一封丹詔金雞下  
八月黃河鐵騎鳴畫壁虎頭遺舊族悲秋宋玉擅時名  
如子有才當世用定虛前席問蒼生

次韻

沈明遠

風雨瀟瀟滯客程陸梁羣盜若為情中原更覺人烟少  
盡日不聞雞犬鳴祖逖澄清空有志謝安高卧竟虛名

玉山紀遊

三

只今前席誰籌策早晚南來召賈生

晚泊新安有懷九成

顧瑛

夜泊新安驛西風八月天人家溪樹裏晚飯柁樓前水  
落清移石雲開月隨船遙思佩帶者癡坐不成眠

次韻

于立

過雨收殘暑西來水似天秋風生柁尾明月落尊前慘  
澹依山寺歌斜下瀨船清歌不成調思爾枕書眠

次韻

郊韶

長林夕露下一雁過青天月照風燈外星沉野水前  
人隔烟渚清夢落江船孤坐聞城漏迢迢夜不眠

次韻

沈明遠

溪行仍水宿夜坐散秋天月出清楓裏鳥啼古驛前  
閑懷往路汗漫問隣船想憶同心者裁詩不待眠

登惠山

顧瑛

對郭依山千古寺穿雲路迳石峻嶒殿前樹落杪擺子  
牆上花牽薜荔藤遺像儼存嘗水廟長廊亦有注茶僧  
玉山紀遊

天

荒苔舊刻無人打巖壑秋清盡日登  
寺門深據白雲堆殿脚參差見日臺一水暗從原底出  
九龍青石雨中迴鼠偷山果時時落鼃觸池萍隊隊開  
此日登臨絕惆悵雲林不見酒船來

次韻

于立

秋水放船來野寺寒崖古古路峻嶒鶴棲雲外三珠樹  
猿挂烟中百尺藤古殿金銀黃面老小龕香火白頭僧  
明朝城市多塵事何日重來一再登

前朝古寺倚崔嵬快挾松風上古臺  
一勺靈泉通地遠九峯龍氣抱天迴  
清暉娛人不少住黃土眯眼何當開  
歸舟賸載煎茶水更帶新詩入郭來

次韻

陳基

欲叩沙門大小乘西風飛屨過峻嶒  
空山金玉鏘流水絕壁龍蛇走亂藤  
一室香花同聽法百年雲水不如僧  
何時更整山翁屐寶地相從取次登

霜落楓林葉作堆秋高蕭寺客登臺  
排空列嶂千重合

玉山紀遊

三九

出谷流泉百折迴瀕洞烟濤塵海濶  
參差樓閣化城開獨憐萬里閔河雁  
不寄天涯一字來

次韻

陸仁

慧山秀挾南蘭陵大雄宮殿開峻嶒  
登高未試九節杖攀險且攬萬年藤  
泉頭已無裏茗客峯頂或有巢雲僧  
梁溪歸棹蕩落日杵聲何處響登登

栖神秋色清於水馬下長林坐石臺  
鷓忽山鳴衝樹過巖花欲落愛風迴  
松聲暗與泉聲合龍氣朝隨霧氣開



桑苧祠前無限思  
明年試茗擬重來

次韻

釋良琦

九龍之山天外青  
寺門巖壑寒峻增  
水流秋澗渾疑雪  
路轉陰廓或礙藤  
刻日定傳霞上作  
具茶應喜竹間僧  
却憐獨卧滄江者  
何日杖藜還共登

行盡路林黃葉堆  
青蓮境界起樓臺  
雨分山氣空中落  
雪挾泉聲繞地迴  
磬響驚人溪路隔  
香烟滿袖殿門開  
誰知拂試題名處  
顧愷前身今再來

玉山紀遊

次韻

沈明遠

舍櫂入林行  
葦確清秋到寺見  
峻嶒兩邊雲合惟  
高竹  
遍樹龍纏是古藤  
地近梁鴻傳野老  
泉因陸羽重山僧  
茲遊得遂同詞客  
興發終須著屐登

青山翦斷九龍堆  
翠蓋圍傾古佛臺  
玉氣引泉流石出  
天花著樹拂雲迴  
時聞清磬虛廊轉  
忽度惟香別殿開  
獨弔荒祠傾茗飲  
無人與我打碑來

送惠山泉

顧瑛

嗟我重遊已廿年寺門松桂綠依然歸來無物為相贈  
只有山中第二泉

次韻

周砥

梁朝古寺已千年去覓能詩僧皎然漠漠雲林人迹斷  
烏銜紅果落山泉

次韻

陳基

空山古寺不知年念子獨遊心惘然溪上歸來雲滿屋  
願分一勺煮茶泉

玉山紀遊

主

次韻

于立

名落人間幾百年穿雲夏石更冷然東流無限官河水  
不及山中一勺泉

次韻

陸仁

飛蓋清遊憶往年九龍高起更巖然多情若解相如渴  
頻寄山中陸羽泉

次韻

沈明遠

憐君厭傍酒壚邊裏茗清遊亦快然料得行舟無別物

玉壺多載惠山泉

舟中作

顧瑛

自愛玉山畫書船西風百尺大江牽出門已是二十日  
到家恰遇重九天青山白水與君賞翠竹碧湖惟我憐  
近聞海山鯨波靜爛醉草堂松菊前

次韻

于立

落日青山好放船西風滿棹未須牽鯨鯢已靜波澄海  
鴻雁初來水接天過眼風光如隔夢近人月色也堪憐  
玉山紀遊

歸來尚有黃花在暫醉佳人錦瑟前

次韻

周砥

中流搖蕩木蘭船沙鳥雙鳴荇帶牽斜日斷烟橫野渡  
西風踈柳落江天水邊白日明堪把座上玉笙清可憐  
歸來我亦同歡會醉題詩句草堂前

次韻

釋良琦

夜靜長虹起畫船順流東下不須牽卧聽白鶴遙度海  
夢逐銀濤直上天共載故交高義在迎門孫子得門憐

新歸生理未須問日日迎詩桂樹前

承聞仲瑛徵君有維揚之行中途興盡而返會稽  
外史亦至玉山喜而賦長律三首奉寄以寫所思  
之意云九月五日山澤臞者良琦頓首書于婁東  
蘭若

一月不聞鴻雁行東流江水憶君心已知塵事少經意  
況與友生同放吟千炷觀中招道士九龍山裏問雲林  
恰喜歸來酒初熟草堂日日對秋陰

玉山紀遊

三

飈車東下大江濱驚喜青山野鶴羣老眼仍看吳沼月  
秋波新翦鏡湖雲燈前軟語親知在酒罷狂歌里巷聞  
想得西園無一事芭蕉花對爐薰

秋藤雨竹掩衡門時事何當細與論正望中原通驛使  
已傳南寇拜天恩春迴公子瓊花夢月滿山人白酒盆  
不把芙蓉寄相憶蘭舟早晚過西園

次韻

于立

竟日江頭望好音賞奇誰復慰離心  
淘前不入遠公社

杜老每懷支遁吟涼生桂樹香浮席月上滄洲光出林  
薄暮題詩向何處芭蕉多在草堂陰

道士歸來溪上住寫經擬換白雲羣清霜著樹紅翻日  
野水涵天白勝雲箇箇歸鴉隨棹遠冥冥去雁隔江聞  
遙知出定題詩處堂下秋蘭生夕曛

十日秋陰只閉門此時幽思與誰論星躔自拱山河固  
花木均沾雨露恩日下人來詩滿紙田間秫熟酒盈盈  
湯休才思能清絕憶子高居祇樹園

玉山紀遊

次韻

顧瑛

江頭日日聽擘音江水遙遙蕩客心蕙帳風高聞鶴唳  
楓臯月落有猿吟相逢謫僊賀祕監不見高僧支道林  
他日山中同結社白蓮池上坐秋陰

天上金雞放玉音江頭白日縱閒心援毫自寫草堂集  
對酒謔歌梁甫吟細雨燈花勞短夢涼風木葉下空林  
知君憐我遙相憶望斷碧雲生暮陰

扁舟遠適越溪濱雙槳驚飛白鷺羣要趁秋江三尺水

去看山寺九峯雲西風網罟沿村集落日鐘魚隔墅聞  
好對黃花同一醉故園晴色晚如薰

荻花楓葉暗江濱萬里西風雁叫羣謾是羈情情似酒  
獨憐世事薄於雲九龍山色船頭看半夜鐘聲枕上聞  
料得高僧禪定處松牕栢子起濃薰

九龍山色似龍門題得新詩要細論風雨途中逢驛使  
烟波海上拜君恩每懷蘭若繡絰石更憶草堂盛酒盈  
聞道南徐近乘勝邀君共醉辟疆園

玉山紀遊

三五

故人不到竹間間此日幽懷孰與論露浥黃花如有意  
霜凋碧樹似無恩清泉夜煮新茶竈淥酒秋香老瓦盆  
莫怪深居倦遊歷近因多病類文園

次韻

王濡之

玉箭橋上聽餘音夜月長淮動客心杜牧風流俄返旆  
湯休寂寞自高吟石門雲冷龍藏鉢蕙帳霜清鶴在林  
且盍逃禪共樽酒玉山池館尚梧陰

聞君別去在河濱莎草蘆花落雁羣禪關已知安止水

交情寧不賦停雲晴風接翠清秋覽柔櫓鳴舷靜夜聞  
還愛惠山泉味好自烹春茗發清薰

日日兒童喜候門歸來餘事復何論天家一騎新傳命  
海國羣妖盡被恩築室臨溪真似舫鑿池當檻小魚盆  
橘林滿眼霜前熟何處人間有綺園

遊上方紀遊

序并

玉山顧仲瑛甫由惠山還吳城適匡廬先生于  
虛齋來自越而梁溪周履道與余皆在坐仲瑛

玉山紀遊

三六

以第二泉煮日鑄茶飲客時秋且暮仲瑛慨然  
有登山臨水之思乃相與泛舟出閭闔門過百  
華洲轉橫塘至石湖水光浮空新月始生山光  
水色與明河倒影相滉漾樵歌水唱遠近相答  
於是飲酒甚歡遂艤舟新郭而宿焉旦日由行  
春橋觀音巖歷楞伽山寶積寺肩輿而造上方  
霜降氣清原壘澄曠丹霞翠靄出沒有無而荒  
臺廢苑隱隱吳宮之舊有頃過橫山登聚遠亭

弔故人陸徵君墓讀金華先生黃公所製碑假  
浴僧舍回寶積訪金上人相遇而歸留連者二  
日往返者數十里所至各賦詩總若干首至正  
十一年九月五日潁州陳基序

過姑蘓臺

顧瑛

上方秋色與山齊畫船分詩小字題一帶姑蘓臺下水  
為誰流到越來溪

又

玉山紀遊

三

姑蘓臺前楊柳黃百華洲上日蒼涼吳王飲酒不知醉  
越女唱歌空斷腸蔓草寒烟走麋鹿芙蓉秋水浴鴛鴦  
畫船蕩漿石湖去坐看青山到上方

又

于立

清秋載酒斆銷閒莞爾開篷一解雲外孤風如顏削壁  
舟人說是上方山

又

周砥

姑蘓臺下路艤櫂問遺蹤草色令人愛山光如酒濃涼



風疎柳葉秋水澹芙蓉秋水興亡意淒涼酒一鐘

橫塘寺

顧瑛

橫塘寺下路黃葉寺門秋下番題詩處今朝載酒遊天  
光開列嶂塔影落中流未得回船去聊為半日留

又

侵晨下吳門又過橫塘曲橫塘雨初歇橫塘水新綠汎  
汎雙鴛鴦娟娟戲秋的皜芙蓉華照影清波裏水舟中  
遊冶即回舟不能去湖上多青山莫向橫塘住

玉山紀遊

三

又

周砥

曲曲橫塘水溶溶漾白沙霜明烏桕樹風亂木棉花地  
僻秋偏靜山高日又斜行吟知有興詩卷墨塗鴉

又

陳基

窈窕橫塘路蕭條古佛宮蟬鳴黃葉裏僧住白雲中落  
日芙蓉渚秋風桂樹叢何當登寶塔極目送飛鴻

行春橋

于立

姑蘇城中新雨涼姑蘇城外烟草黃輕舟載酒出城出

白蘋花開秋水香兩岸山光清可挹天落平湖烟翠濕  
芙蓉照影獨多情的皪亂紅愁欲泣鯉魚風起生白波  
船中把酒船頭歌請君莫問前朝寺相從不飲柰君何

次韻

顧瑛

白蘋花老西風涼吳宮葉落蕭蕭黃美人相携遊上方  
金壺淥酒蓮花香青山可望不可挹秋色浮空翠螺濕  
好奇真似漾陂遊登山莫作牛山泣石湖新水一尺波  
湖邊女兒雙踏歌畫船日日湖上過今夜月明愁柰何  
玉山紀遊

三五

又

陳基

挂席出長洲鼓柁石湖頭湖滉漾玻璃石浮青山白水  
不知暮蘋葉蘆花都是秋我欲撥北斗醉彼清淺流我  
欲換河漢一洗太古愁吳王臺榭成荒邱至今惟有麋  
鹿遊我不願千鐘祿亦不願萬戶侯百年三萬六千日  
日飲一石醉即休日飲一石醉即休

又

周砥

木落荷枯九月時眼中都是范公詩石柵樹下荒苔合

猶有當年舊賜碑

觀音巖

顧瑛

擘破芙蓉三百尺  
觀音巖下白華秋  
綵虹斷影秋天上  
冷浸靈前凝不流

又

于立

靈鼉出峽走風雨  
一夜芙蓉紫翠開  
月隨寒泉如見性  
不須重過石橋來

又

陳基

玉山紀遊

四

觀音巖在石湖傍  
絕壁寒霜潭葉黃  
水仙出波捧明月  
野鳥銜花獻法王  
五色雲氣見寶積  
六時鐘聲來上方  
分明小白山前路  
何用遠浮東海航

又

周砥

白鸚鵡小穿雲幕  
碧海波澄浸石扉  
一片巖前秋月影  
涼風吹上藕絲衣

石湖

周砥

烟中白鶴獨飛還  
相伴孤雲盡日間  
落日放船湖水上

一簾秋色看青山

又

顧瑛

槩棹中流好西風生暮寒湖光與山色憶得倚樓看

又

陳基

日落上方山頂頭天光顛倒入中流浩歌濯足弄秋水  
驚得魚龍皆出遊

次韻

顧瑛

落日西風船上頭濯足洞庭萬里流語得大蕪詩上語

玉山紀遊

聖

三人共作月中遊

又

于立

石湖水清悠悠悠悠上接銀河流中天皓月空清秋竟  
溯南斗騎牽牛美人炯若珊瑚鈎彩舟載月浮中洲洲  
中藕花不知數藕絲纖綃薄於霧為君裁作五銖衣臆  
玉明霞照輕素玉山子丹邱生我今為爾吹玉笙金庭  
仙人赤鳳翎流宮泛徵秋冷冷空明倒影龜鼉窟迴風  
吹斷蚊龍腥鮫人停機不敢鳴微綃出水寒波明下視

名利場不啻紅鴻毛  
輕勸君日飲真一酒  
一醉醒三千  
齡

新郭

陳基

扁舟直泊新郭市  
石湖水深清且此長嘯一聲天地秋  
萬壑驚風泣山鬼  
匡廬生玉子意氣相傾誓終始  
呼童沽酒烹錦鯉  
醉入蘆花月如水  
周郎放過踏船尾  
我亦和之聲疊疊  
明月照我新秋月  
洗我耳富貴亦何為  
人生行樂爾城中  
黃塵眼為眯  
安得置我邱壑裏

玉山紀遊

聖

又

周砥

汎舟越來溪水傍  
溪邊暮色何蒼蒼  
主人張筵揮羽觴  
吳姬唱歌聲抑揚  
船尾挑燈大魚出  
船頭洗觥秋波涼  
直如何其直未央  
萬壑不起星煌煌  
酒闌客過別船去  
木葉蕭蕭下如雨  
船中醉卧西東睡  
覺猶聞夢中之語  
此時月落天中曙  
隔屋雞啼欲起舞  
起風滿天鴻雁聲  
瑟瑟菰蒲響秋渚

次韻

顧瑛

夜泊日湖湖水傍芙蓉露白薰葭蒼畫船行酒飛急觴  
美人羅袖隨風揚長檝翠木高高張浩歌起坐秋夜涼  
月明已在天中央大星小星光煌煌酒酣不遇記船去  
但聽秋聲響踈雨夢中化作蝴蝶飛飛入花間聽春語  
隣雞喔喔東方曙船尾浪花風起舞為君起和夢中詩  
水氣如烟度秋渚

又

于立

新郭市說是吳王舊城雉一從兵過越來溪麋鹿來遊  
玉山紀遊

四三

歌舞地我今移舟泊新郭黍人家帶墟落晴徐湖冷浸  
秋月明暮山淨拂寒烟薄吳娃蕩漿船邊遇周郎唱歌  
陳郎和脆管哀絃生素愁急令飛觴傾白墮匡廬生忘  
爾汝今古興亡一炊黍為挽天河洗君耳聽我今宵夢  
中語

舟中聯句

行春橋下看山回 瑛 翠幙紅簾面面開 基 一痕水風吹  
不斷 立 蜻蜒飛入畫船來 砥

月下懷鄴九成

陳基

畫船夜看初三月黃菊秋迎重九天佳節預須酬酌  
良宵莫惜對嬋娟銀燈影動盪盪窟翠館聲留玳瑁筵  
却憶雲臺迂外史街頭騎馬日翩翩

就和

顧瑛

石湖萬頃秋如洗影落銀河水底天燈下傳杯波灑灑  
船頭吹笛月娟娟夜深翡翠迷華屋露冷蜻蜓入玳筵  
月日上方晴色好錦韉銀鐙共聯翩

玉山紀遊

留

上方

顧瑛

吳王臺下千年寺白日長廊僧閉門湖上人家收黍稌  
巔頭蕭鼓賽雞豚天涵秋色山高下風蕩烟光樹吐吞  
香水晚涼新浴罷詠歸直待夜黃昏

又

于立

青錢買得木蘭舟滿載西風不出遊萬壑松聲含宿雨  
五湖天影浸清秋謝公看屐登山去博望乘槎入漢流  
聖世青年且行樂長安泥滓使人愁

又

周砥

迢迢上方山歷歷石湖樹輕舟艤湖曲肩與入山路飛  
蘿垂晚烟遙峯隱寒霧依微青蓮宇突兀窮高處山僧  
掃苔入為我設茗具坐久意愈淡高吟暢心素白雲生  
我衣拂之不能去高視六合間山河自回互顧謂同行  
者言歸匆匆遽人生鳥過目樂事豈能屢賦此紀此遊  
終日得成趨

又

陳基

玉山紀遊

聖

中吳之山上方最上摩青天之白日高下浸石湖之素  
濤高秋飛屨凌九霄下視萬里一覽可以窮秋毫秋毫  
為大泰山小我欲憑虛極對討叢祠簫鼓亦何為下土  
之人事祈禱風天秋來鴻雁鳴翩翩日向東南征吳宮  
蕭蕭秋草生對此令人無限情

拜祀菊先生墓

顧瑛

華表西風鷓未歸白楊無數鳥聲悲我再來我漫山塚  
忍讀新安博士碑



又

于立

一從鷓夢過遼東三尺孤墳草中宿無限長松與脩竹  
令人千載挹清風

又

陳基

陸公原上瑞雲菴古屋殘僧見兩三荒墳宿草泣秋露  
大谷深山生華嶺蕭條松梓迷神道寂寞香花奉佛龕  
西風何以薦秋菊一勺寒泉清且甘

又

周砥

玉山紀遊

杞菊先生鄉里賢祇今淪沒幾何年道傍松樹非新種  
屋裏碑文是舊鐫花日荒邱封馬鬣西風把劍躍龍淵  
平生不識喬公面腹痛回車亦偶然

觀音山紀遊

序并

至正辛卯秋九月八日玉山顧君仲瑛河南陸  
良貴與予同舟出閭闔門登觀音山過小龍門  
坐支公放鶴亭上于時高秋氣肅慨古遐眺神  
興意適遂相與濯足寒泉肩輿過山北觀盤松

如春雷破蟄龍鬼變化可端倪因不入楞伽寺  
寺僧昂天岸出速客列坐大桂樹下摘銀杏薦  
酒賦詩樂甚予緬思去秋之季與仲瑛及吳興  
鄭九成訪龍門上人良琦元璞於天平山中薄  
暮至此暝色既合不得覽山水之勝繼于往會  
稽俯仰又復經歲顧惜流錦不無慨然因書以  
識歲月予則匡廬于立也

書昂上人房壁

顧瑛

玉山紀遊

與客看山日未斜長廊識得舊袈裟  
枝頭果摘銀杏子  
酒面香浮丹桂花解說道林當日事亦知靈運不如家  
坐深白鶴歸來晚更汲寒泉為煮茶

次韻

于立

西山倚空秋日斜偶於松下逢袈裟  
視身視自苾芻草  
見子似見優曇花人生適意莫若酒  
客子看山如到家  
老僧旋打銀杏子重汲山泉為煮茶

次韻

陸仁

瑩确石林行徑斜楞伽寺裏見袈裟連岡霜落蘆蒿子  
斷隴雲迷麝麥花神駿嗟無支遁馬清遊欲宿贊公家  
巖底寒泉清可掬明年還擬煮新茶

蟠松

陸仁

君不見泰山五樹之夭矯徂徠千丈之時竒高景山中  
一傾盆磊砢偃蹇驚如斯銅柯鐵葉秋雨洗深根直據  
龍淵底木星何夕墮青霄一片寒雲眠不起我欲騎之  
挽天河淨洗甲兵清海波醉呼六丁為鞭叱強項挺伏  
玉山紀遊

四六

纏蛟鼉山靈情無訖不動白孤夜泣蒼泣悚伐之莫試  
太阿劍邱壑千年嗟擁腫太平天子開明堂為梁為棟  
材孔良昂霄聳壘終有待為爾臨風歌慷慨

又

于立

孤松出地不記年每以偃蹇為人憐蛟宮直寒卧明月  
龍女曉涼梳綠烟金繩鐵索互盤屈霓旌翠羽齊飛騫  
應有茯苓大如斗我欲服食求神仙

又

顧瑛

崛强蟠拏百折松孤高獨不受秦封長林大壑材無數  
不識山中有卧龍

寒泉

顧瑛

九月上支硎寒泉亦有名流雲微有影落澗細無聲坐  
石宜舒笑臨澗可濯纓杖藜雖屢到終不似秋清

又

陸仁

石罅湛寒泉不受泥沙穢只向山中流不出山前去

又

于立

玉山紀遊

晁

為訪支公鶴重經洗馬池獨憐山畔月夜夜落寒漪

放鶴亭

于立

欲將遺事訪支硎重上山中放鶴亭拄杖彭亨掃巖石  
恐留前代未傳經

又

顧瑛

雲滿南林護翠微支公亭子倚晴暉飛來不似遼東鶴  
解說前身是令威

又

陸仁

胎禽無恙不亭中秋月明不隨支公去却逐浮邱生

洗馬池

顧瑛

秋水池頭秋水明一泓清淺與沙平道林只解觀神駿  
不洗人間萬古名

又

陸仁

秋水清如此支郎洗馬池一從神駿化無復見權奇

又

于立

巖下寒泉水秋波浴日紅無人愛神駿千載憶支公

玉山紀遊

于

飛龍閣

于立

挂杖清秋登絕塵欲訪支公探遺迹兩岸拔立一罅通  
瀕洞陰風雲霧積人言此地起飛龍半夜六丁轟霹靂  
至今巖下一亭泉時有神光動寒碧

又

陸仁

龍門通一罅石拔兩闕闕天險非神鑿長瞻雲氣來

又

顧瑛

巖南上峯寺禪閣石作扉已無龍出峽空有白雲飛

楞伽古桂

顧瑛

楞伽山中秋氣清廣庭桂枝相屈撐天香一夜落人世  
三十六宮空月明

又

陸仁

楞伽廣庭桂雲蓋圍轉圜載酒淮南辭念彼山中人

又

于立

山中多白雲愛向山中住攀援叢桂枝令人不能去

石屋

于立  
至

玉山紀遊

百年謾說千年事鬼笑癡人鐵限門古佛本稱無量壽  
從教石爛性常存

又

顧瑛

千年古道場巖屋石為梁月落摩尼影空山生定光

又

陸仁

石屋不盈丈如穴復如龕大雄居其中時有白狐叅

觀音山

陸仁

朝出闔閭城西望觀音山石林行帶確徑度飛龍閣飛

龍之闕神所鑿斷石中開雲欲落大峯一掌拆空青小  
峯誰掇金蓮萼故人新自越中歸若耶雲門誇崛竒手  
提如意鐵作杖絕頂獨倚長松枝太湖水深鴻雁翔三  
江到海天蒼蒼功成却思越范蠡感古今人愁斷腸支  
公放鶴自遊亭石上細聽寒泉聲楞伽叢桂亦已落洗  
馬池頭秋草青涼風吹衣日皜皜急喚金壺與傾倒登  
高明日又重陽崖根菊花為誰好玉山子匡廬仙兩君  
氣誼真有合據石自說三生緣人生不如金石固忽忽  
玉山紀遊

五

流光鳥飛度不見東山晉太傅高風千載人爭慕

次韻

于立

清秋與君登西山兩崖拔地開天闕人言天闕神所鑿  
大星小星天上落太初氣結渾沌璞巨靈削出青天萼  
白雲無心去復歸點綴萬態生新竒乘龍化作蟠屈樹  
老猿挂在天矯枝東山入海如龍翔西山挿天鬱青蒼  
我來躋攀不辭嶮不盤九折如羊腸觀音山何亭亭石  
泉瀉作秋風聲據巖濯足騁遐觀海烟不隔三山青白

日日天秋鴈鴈對酒休辭山玉倒人生得意須盡歡况  
復與子心相好絕頂凌風思欲仙美人如花畫如年丈  
夫作事貴感激浮世謾說多因緣浮世因緣那可固但  
恐流光鏡中度勸莫惜君少年遊白頭面鄒空追幕

次韻

顧瑛

道林越上還卓錫支硎山養鶴碧巖裏騎馬飛龍閱飛  
閣龍高鬼斧鑿一道銀河迸空落水積寒泉落平清秋  
倒浸芙蓉萼道林放鶴竟不歸我今遠來猶好奇翩翩  
玉山紀遊

五

飛蓋相追隨玉樹照耀珊瑚枝窮高發長嘯興逐飛雲  
翔吳王臺榭淝何處七十二點烟蒼蒼俯挹太湖水洗  
我水炭腸解衣盤礴秋滿亭落日下方鐘磬聲楞伽山  
中霜露白高景山前松樹青鴻飛冥冥秋鴈鴈澤酒深  
尊與君倒山中九月銀杏熟亭下五株丹桂好陸機二  
十才且賢山陰狂客真謫仙忘情不必說爾汝買山定  
結山水緣論文不啻陳雷固幾見流年暗中度歸來援  
筆記茲遊丹邱雲臺定相幕



今年三月廿日陳浩然招余與鄧雲臺琦龍門遊  
觀音山觀寒泉慕宴張氏樓詩徐楚蘭佐酒楚蘭  
以琵琶度曲名于時雲臺遂為之心醉予曾口占  
蝶戀花云春江暖漲桃花水畫舫朱簾載酒東風  
裏四面青山青似洗白雲不斷山中起在眼韶華  
渾有幾玉手佳人笑把琵琶理狂殺雲臺標外史  
斷腸只合江州死酒散則夜已過半矣明日歸玉  
山中臥病彌月不得已諸友朋會已半載八月之

玉山紀遊

五古

暮又以世路多歧厭入城俯遂泊舟閭闔門之光  
霽霽而登山臨水之思未嘗不興於懷適匡山人  
自越中陸河南自婁江來得同討幽勝九月七日  
復遊寒泉登南峯之高有懷龍門留婁江雲臺方  
長街走馬不能與此清會遂賦二律以寄意且欲  
邀匡山河南和寄云

春遊憶得到寒泉正值鶯花過禁烟楊柳樓中金錯落  
琵琶船裏玉嬋娟漫郎別渾多病去道士重來定有緣

今日登高能作賦雲臺不見使人憐  
又向江頭載夕暉好懷美與世相違  
客中重九明朝是眼底故人今日事  
過雨黃花千葉發未霜紫蟹兩螯肥  
秋江更待澄如練擊楫中緩緩歸

次韻

夷礪山山濯寒泉洗馬池頭草若烟  
石拔兩闕開岵嶸雲迷萬作秀聯娟  
下方鐘鼓長時發絕頂藤蘿且自緣  
東去三江流不盡浮生如此也堪憐

玉山紀遊

五十五

飛龍閣口日暉暉放鷓亭前路不遠  
謾說支郎林下少未綠神駿眼中稀  
繁霜著樹榴房折危石懸藤瓠子肥  
看遍吳中好山色太湖明月櫂船歸

次韻

于立

一池寒玉貯清泉晴暉滿林生紫烟  
白雲行空日皜皜青山過雨秋娟娟  
放鶴亭中絕蕭爽飛龍閣下愁攀緣  
支公去後少神駿一上高峯一自憐  
山色溪聲帶落暉好懷清賞莫相違  
醉忘爾汝紅顏笑

眼見交遊白髮稀  
雲沈菰米雨已熟  
江落鱸魚秋正肥  
典却春衣作重九  
背巖折得菊花歸

次韻

美人開宴酒如泉  
滿目嵐光碧似烟  
半嶺暮雲猶掩冉  
一林秋作自嬾娟  
新詩每荷邀同賦  
短棹相將恨未緣  
會面幾時還別去  
百年人事總堪憐

秋波漠漠靜朝暉  
畫舫開筵興不違  
濁酒清歌音縹緲  
青山黃葉路依稀  
桓涼金雁箏聲細  
雪滑銀盤鱸膾肥

玉山紀遊

五十六

顧我暫為塵俗累  
不能同載月中歸

次韻

釋良琦

支硎山中秋日靜  
羨子枝蕤凌翠烟  
長嘯徹空松瑟瑟  
褰衣涉澗水娟娟  
生來固有雲霞癖  
老去休忘香火緣  
鑿得蓮池便成社  
莫將白髮向人憐  
青山攜酒看秋暉  
却笑山人志獨違  
自是海鷗機事少  
不應林鶴夢魂稀  
露深仙圃黃精長  
霜落人家綠橘肥  
慰我新詩最清絕  
便尋艇子雨中歸

壬辰二月初吉龍門釋良琦與預章釋來復遊寒  
泉過支硎寺山憇昂上人房讀仲瑛徵君彥成鍊  
師良貴進士去秋遊山相懷之作遂相與聯句以  
答三君子之意云

絕巘清空外高崖北斗邊巨靈開積谷琦險竇落寒泉  
迸石珠簾挂復當風玉練懸霞明光燦爛琦澗折勢洄  
沿渴虎朝還飲復饒龍恒不眠穿林聲泱泱琦涵月淨  
娟娟僧汲香凝盞復人窺影墮困中濡差可擬琦康谷

玉山紀遊

五十七

孰能先牛乳元同味復鮫珠得並圓道林嘗卓錫琦陸  
羽盃留編昔者三高士復來遊八月天雨苔凌蠟屐琦  
秋竹繫溪船煮茗過松下復哦詩繞桂前衣襟洒冰雪  
琦詞藻麗雲烟洗硯文魚動復浮杯翠苻牽清童浣素  
手琦舞妓照金鈿復相憶勞垂念因風辱寄牋歸期欲  
西上盡興已東還琦往事成塵夢流光隔歲年復君今  
春滿屋我漸雪盈顛賴有同心侶琦重臨勝境偏舊題  
空翠濕復大字老蛟纏貴比南金重琦深期琬琰鐫翻

愁泣神鬼復亦足鎮山川積雨晴初好琦平原景正妍  
埽花聊憇息復倚樹漫遲延極眺匡廬遠回瞻玉阜連  
華堂列賓客琦綺席會神仙梧井應鳴鳳絳幃或下鱣  
復繁梅坐榻細柳拂歌筵昭代多才彥冥歌栖獨爾賢  
琦昌承野王喬高栢赤松眉復欲汎扁舟去還談一味  
禪何顯名不忝琦于鵠德仍全空復臨流詠復誰將此  
意傳數聲亭上鶴落日在山巔琦

玉山紀遊



五十八

玉山紀遊

